



## O`ZBEKISTON RESPUBLIKASI VAZIRLAR MAHKAMASINING QARORI

20 23 yil « 30 » yanvar

№ 36

Toshkent sh.

**Вазирлар Маҳкамасининг “Фуқаролар ва жамоат ташкилотларини хуқуқбузарликлар профилактикаси ва жиноятчиликка қарши курашишдаги фаол иштироки учун рағбатлантириш тартиби тўғрисидаги низомни тасдиқлаш ҳақида” 2018 йил 8 январдаги 15-сон қарорига жамоат хавфсизлигини таъминлаш, хуқуқбузарликлар профилактикаси ва жиноятчиликка қарши курашишдаги фаол иштироки учун фуқароларнинг ижтимоий ҳимоясини таъминлашга қаратилган ўзгартириш ва қўшимчалар киритиш ҳақида**

Мамлакатимизда амалга оширилаётган кенг кўламли ислоҳотлар доирасида аҳолининг тинч ва осойишта ҳаётини таъминлаш ва жамоат хавфсизлиги маданиятини шакллантириш борасидаги чора-тадбирлар амалга оширилши натижасида жамоат хавфсизлигини таъминлаш йўналишидаги ишлар бўйича давлат органларининг жамоатчилик тузилмалари билан ўзаро мақсадли ҳамкорлиги йўлга қўйилди.

Шу билан бирга, мазкур ҳамкорлик доирасида амалга оширилаётган ишлар жамоат хавфсизлигини таъминлаш, хуқуқбузарликлар профилактикаси ва жиноятчиликка қарши курашишда иштирок этаётган фуқароларни янада рағбатлантириш, шунингдек, уларнинг ижтимоий ҳимоясини янада кучайтириш зарурлигини кўрсатмоқда.

Шу муносабат билан жамоат хавфсизлигини таъминлаш, хуқуқбузарликлар профилактикаси ва жиноятчиликка қарши курашиш жараёнида фаол иштироки давомида олган тан жароҳати ҳамда вафот этган фуқароларнинг оила аъзоларига ижтимоий ёрдам кўрсатиш механизmlарини такомиллаштириш мақсадида Вазирлар Маҳкамаси қарор қиласди:

1. Вазирлар Маҳкамасининг “Фуқаролар ва жамоат ташкилотларини хуқуқбузарликлар профилактикаси ва жиноятчиликка қарши курашишдаги фаол иштироки учун рағбатлантириш тартиби тўғрисида низомни тасдиқлаш ҳақида” 2018 йил 8 январдаги 15-сон қарорига қўйидагиларни назарда тутувчи ўзгартириш ва қўшимчалар иловага мувофиқ киритилсинг:

хуқуқбузарликлар профилактикаси ва жиноятчиликка қарши курашишдаги фаол иштироки учун фуқароларнинг ижтимоий ҳимоясини таъминлаш тартиби;

фуқароларнинг ижтимоий ҳимоясини таъминлаш учун асос бўлиб ҳисобланадиган ҳолатлар ва талаб этиладиган хужжатлар;

фуқароларнинг ижтимоий ҳимоясини таъминлаш масаласини кўриб чиқиши муддатлари ва тартиби.

**2. Ўзбекистон Республикаси Ички ишлар вазирлиги бир ой муддатда:**

ушбу қарорнинг мазмун-моҳияти оммавий ахборот воситаларида кенг ёритилишини таъминласин;

манфаатдор вазирликлар ва идоралар билан биргаликда ўзлари қабул қилган хужжатларни мазкур қарорга мувофиқлаштирун.

**3. Мазкур қарорнинг бажарилишини назорат қилиш Ўзбекистон Республикаси ички ишлар вазири П.Р. Бобожонов зиммасига юклансин.**

**Ўзбекистон Республикасининг  
Бош вазири**



**А. Арипов**

Вазирлар Маҳкамасининг  
2023 йил 30 январдаги Э-сон қарорига  
илова

**Вазирлар Маҳкамасининг “Фуқаролар ва жамоат ташкилотларини  
хуқуқбузарликлар профилактикаси ва жиноятчиликка қарши  
курашишдаги фаол иштироки учун рағбатлантириш тартиби тўғрисидаги  
низомни тасдиқлаш ҳақида” 2018 йил 8 январдаги 15-сон қарорига  
киритилаётган ўзгартириш ва қўшимчалар**

**1. Қарорда:**

қарор номи қуйидаги таҳрирда баён этилсин:

“Фуқаролар ва жамоат ташкилотларини жамоат хавфсизлигини таъминлаш, хуқуқбузарликлар профилактикаси ва жиноятчиликка қарши курашишдаги фаол иштироки учун рағбатлантириш тартиби тўғрисидаги низомни тасдиқлаш ҳақида”;

1-банд қуйидаги таҳрирда баён этилсин:

“Фуқаролар ва жамоат ташкилотларини жамоат хавфсизлигини таъминлаш, хуқуқбузарликлар профилактикаси ва жиноятчиликка қарши курашишдаги фаол иштироки учун рағбатлантириш ҳамда фуқароларнинг ижтимоий ҳимоясини таъминлаш тартиби тўғрисида низом иловага мувофиқ тасдиқлансан”.

**2. Низомда:**

Низомнинг номи “рағбатлантириш” сўзидан кейин “ҳамда фуқароларнинг ижтимоий ҳимоясини таъминлаш” сўzlари билан тўлдирилсин;

1-банд “рағбатлантириш” сўзидан кейин “ҳамда фуқароларнинг ижтимоий ҳимоясини таъминлаш” сўzlари билан тўлдирилсин;

**2-баннда:**

биринчи хатбоши қуйидаги таҳрирда баён этилсин:

“2. Куйидагилар фуқаролар ва жамоат ташкилотларининг жамоат хавфсизлигини таъминлаш, хуқуқбузарликлар профилактикаси ва жиноятчиликка қарши курашишдаги фаол иштирокини рағбатлантириш ҳамда фуқароларнинг ижтимоий ҳимоясини таъминлаш (кейинги ўринларда – фуқаролар ва жамоат ташкилотларини рағбатлантириш ҳамда фуқароларнинг ижтимоий ҳимоясини таъминлаш деб аталади)нинг асосий вазифалари ҳисобланади”;

қуйидаги мазмундаги бешинчи хатбоши билан тўлдирилсин:

“фуқаролар жамоат хавфсизлигини таъминлаш, хуқуқбузарликлар профилактикаси ва жиноятчиликка қарши курашишга қўшаётган ҳиссаси учун уларнинг ҳаёти, соғлиғи ҳамда мол-мулкига тажовуз қилинишининг олдини олишга қаратилган, шунингдек, уларнинг хавфсизлиги ва ижтимоий ҳимоя қилиниши чораларини ўз ичига оладиган чора-тадбирлар тизимини белгилаш”;

4-банднинг биринчи хатбоиси қуйидаги таҳрирда баён этилсин:

“4. Фуқаролар ва жамоат ташкилотларини рағбатлантириш ҳамда фуқароларнинг ижтимоий ҳимоясини таъминлаш тўғрисидаги таклифлар хукуқбузарликлар профилактикаси бевосита амалга оширувчи органлар томонидан хукуқбузарликлар профилактикаси ва жиноятчиликка қарши курашиш бўйича республика ва ҳудудий идоралараро комиссияларга (кейинги ўринларда идоралараро комиссиялар деб аталади) фуқаролар ва жамоат ташкилотларини рағбатлантириш ҳамда фуқароларнинг ижтимоий ҳимоясини таъминлаш бўйича тақдимнома киритиш орқали амалга оширилади”;

5-банднинг биринчи хатбоиси “рағбатлантириш” сўзидан кейин “ҳамда фуқароларнинг ижтимоий ҳимоясини таъминлаш” сўzlари билан тўлдирилсин;

12-банддаги “иловадаги” сўзи “1-иловадаги” сўzlари билан алмаштирилсин;

куйидаги мазмундаги 3<sup>1</sup>-боб билан тўлдирилсин:

**“3<sup>1</sup>-боб. Фуқароларнинг ижтимоий ҳимоясини таъминлаш”**

17<sup>1</sup>. Фуқароларнинг ижтимоий ҳимоясини таъминлаш мазкур Низомга 2-иловада келтирилган схемага мувофиқ амалга оширилади.

17<sup>2</sup>. Фуқаро жамоат хавфсизлигини таъминлаш, хукуқбузарликлар профилактикаси ва жиноятчиликка қарши курашишдаги фаол иштироки вақтида ўртача оғир ва оғир тан жароҳати олган (етказилган)да ёхуд ҳалок бўлганида (вафот этганида) унинг ижтимоий ҳимояси таъминланади.

17<sup>3</sup>. Фуқароларнинг ижтимоий ҳимоясини таъминлаш юзасидан зарур хужжатларни тўплаш ва расмийлаштириш мазкур Низомнинг 17<sup>2</sup>-бандида кўрсатилган асослар мавжуд бўлганда, хукуқбузарликлар профилактикаси учун бевосита масъул бўлган органлар томонидан амалга оширилади.

Бунда Қорақалпоғистон Республикаси, вилоятлар ва Тошкент шаҳар, шунингдек, туман (шаҳар)лар даражасидаги хукуқбузарликлар профилактикасини бевосита амалга оширувчи органлар фуқароларнинг ижтимоий ҳимоясини таъминлаш таклифи билан ҳудудий идоралараро комиссияга, республика даражасидаги хукуқбузарликлар профилактикасини бевосита амалга оширувчи органлар эса – республика идоралараро комиссияга мурожаат қиласидилар.

17<sup>4</sup>. Хукуқбузарликлар профилактикасини бевосита амалга оширувчи органлар раҳбарларининг фуқароларнинг ижтимоий ҳимоясини таъминлаш бўйича тақдимномаси ва унга илова қилинган асоссловчи хужжатлар, ижтимоий ҳимояни таъминлаш учун асослар юзага келган қундан бошлаб уч кун муддатда республика ёки ҳудудий идоралараро комиссияларга тақдим этилади.

17<sup>5</sup>. Тақдимномага ижтимоий ҳимояни таъминлаш учун асос бўлувчи куйидаги хужжатлардан бири илова қилинади:

суд-тиббий экспертизаси хulosasi;

вафот этганлик тўғрисида маълумотнома.

17<sup>6</sup>. Республика ёки ҳудудий идоралараро комиссиялар тақдимнома ва бошқа асословчи ҳужжатлар тушган кундан бошлаб ўн кун муддатда фуқароларнинг ижтимоий ҳимоясини таъминлаш масаласини кўриб чиқади.

17<sup>7</sup>. Республика ва ҳудудий идоралараро комиссиялар раислари комиссия қарорининг қонунийлиги,adolatлилиги ва холислиги учун шахсан масъул ҳисобланадилар.

17<sup>8</sup>. Фуқароларнинг ижтимоий ҳимоясини таъминлаш қуидагича амалга оширилади:

фуқаро жамоат хавфсизлигини таъминлаш, ҳукуқбузарликлар профилактикаси ва жиноятчиликка қарши курашишдаги фаол иштироки вақтида ўртача оғир тан жароҳати олган (етказилган)да ҳукуқбузарликлар профилактикасини бевосита амалга оширувчи орган раҳбарининг тақдимномаси асосида чиқарилган идоралараро комиссия қарорига кўра Қорақалпоғистон Республикаси бюджети, вилоятлар ва Тошкент шаҳар маҳаллий бюджетлари маблағлари ҳамда қонунчиликда тақиқланмаган бошқа манбалар ҳисобидан меҳнатга ҳақ тўлашнинг энг кам миқдорининг 20 баравари миқдорида бир марталик нафақа тайинланади;

фуқаро жамоат хавфсизлигини таъминлаш, ҳукуқбузарликлар профилактикаси ва жиноятчиликка қарши курашишдаги фаол иштироки вақтида оғир тан жароҳати олган (етказилган)да ҳукуқбузарликлар профилактикасини бевосита амалга оширувчи орган раҳбарининг тақдимномаси асосида чиқарилган идоралараро комиссия қарорига кўра Қорақалпоғистон Республикаси бюджети, вилоятлар ва Тошкент шаҳар маҳаллий бюджетлари маблағлари ҳамда қонунчиликда тақиқланмаган бошқа манбалар ҳисобидан меҳнатга ҳақ тўлашнинг энг кам миқдорининг 50 баравари миқдорида бир марталик нафақа тайинланади;

фуқаро жамоат хавфсизлигини таъминлаш, ҳукуқбузарликлар профилактикаси ва жиноятчиликка қарши курашишдаги фаол иштироки вақтида ҳалок бўлганида (вафот этганида) ҳукуқбузарликлар профилактикасини бевосита амалга оширувчи орган раҳбарининг тақдимномаси асосида чиқарилган идоралараро комиссия қарорига кўра Қорақалпоғистон Республикаси бюджети, вилоятлар ва Тошкент шаҳар маҳаллий бюджетлари маблағлари ҳамда қонунчиликда тақиқланмаган бошқа манбалар ҳисобидан меҳнатга ҳақ тўлашнинг энг кам миқдорининг 100 баравари миқдорида бир марталик нафақа тайинланади”;

4-бобнинг номи “рағбатлантириш” сўзидан кейин “ҳамда фуқароларнинг ижтимоий ҳимоясини таъминлаш” сўzlари билан тўлдирилсин;

18-банд “тақдирлаш” сўзидан кейин “ҳамда фуқароларнинг ижтимоий ҳимоясини таъминлаш” сўzlари билан тўлдирилсин;

22-банд “Рағбатлантирилган” сўзидан кейин “ҳамда ижтимоий ҳимояси таъминланганларнинг” сўzlари билан тўлдирилсин;

23-банд “рағбатлантириш” сўзидан кейин “ҳамда фуқароларнинг ижтимоий ҳимоясини таъминлаш” сўzlари билан тўлдирилсин;

илованинг илова белгисидаги “илова” сўзи “1-илова” сўzlари билан алмаштирилсин;

куйидаги мазмундаги 2-илова билан тўлдирилсин:

“Фуқаролар ва жамоат ташкилотларини жамоат хавфсизлигини таъминлаш, хукуқбузарликлар профилактикаси ва жиноятчиликка қарши курашишдаги фаол иштироқи учун рағбатлантириш тартиби тўғрисидаги низомга  
2-илова

### **Фуқароларнинг ижтимоий ҳимоясини таъминлаш СХЕМАСИ**

| Босқичлар | Субъектлар   | Тадбирларнинг номи  | Бажариш муддатлари   |
|-----------|--|---|--|
| 1-bosqich | Хукуқбузарликлар профилактикасини амалга оширувчи органлар | Хукуқбузарликлар профилактикасини бевосита амалга оширувчи орган раҳбарининг ижтимоий ҳимояни таъминлаш тўғрисидаги тақдимномаси ва унга илова қилинган асословчи ҳужжатларни тегишлича республика ёки худудий идоралараро комиссияга тақдим этади.   | Ижтимоий ҳимояни таъминлаш учун асослар юзага келган кундан бошлаб уч кун муддатда         |
| 2-bosqich | Республика ёки худудий идоралараро комиссиялар             | Тақдимнома ва унга илова қилинган ҳужжатларни кўриб чиқади ва тегишли қарор қабул қиласди.  | Тақдимнома ва унга илова қилинган асословчи ҳужжатлар тушган кундан бошлаб ўн кун муддатда |
| 3-bosqich | Республика ёки худудий идоралараро комиссиялар             | Қабул қилинган қарор ҳақида ижтимоий ҳимояни таъминлаш тўғрисидаги таклиф билан чиқсан ҳукуқбузарликлар профилактикасини амалга оширувчи органга хабар беради.  | Қарор қабул қилинган куннинг ўзида   |
| 4-bosqich | Республика ёки худудий идоралараро комиссиялар             | Фуқароларнинг ижтимоий ҳимояси таъминланади (фуқароларга жамоат хавфсизлигини таъминлаш, хукуқбузарликлар профилактикаси ва жиноятчиликка қарши курашишдаги иштироқи вақтида ўртача оғирлиқдаги ёки оғир тан жароҳати етказилганда бир йўла бериладиган нафака тўланади, вафот этганда унинг оила аъзоларига ва қарамогида бўлган шахсларга бир йўла бериладиган нафака тўланади) | Комиссия томонидан белгиланган муддатда<br>”   |

